

ՀԱՅԿԱԿԱՆ ՀԱՐՑԸ ՀԱՇՏՈՒԹՅԱՆ ԿՈՆՖԵՐԱՆՍԻ ԱՌԱՋ*

Հայկական պատմիրականության՝ (Պողոս Նուբար, Ա. Ահարամյան) Հաշտության Կոնֆերանսին ներկայացրած հուշագիրը (թարգմանված է հուշագրի ֆրանսերեն բնագրից)**

Օսմանյան կայսրության մեջ ազգագրական հարցերը չեն կարող քննվել և ուսումնասիրվել այն մեթոդներով, որոնք գործածվում են եվրոպական երկրներում: Ասիական Տաճկաստանում ազգային քաղաքական միավորներ ստեղծելու համար ազգությունների սկզբունքը գործադրել ուզելով՝ բացարձակապես անտրամաբանական կլիներ հիմք ընդունել զանազան շրջանների ազգագրական պատկերը: Թուրքիայում կան միայն քաղաքական հարցեր, և տվյալ բոլորին այդ կայսրության որևէ մասի ազգագրական պատկերն ուրիշ բան չէ, եթե ոչ համապատասխան քաղաքական դրության հետևանքը: Արդ, չի կարելի հիմնվել հետևանքի վրա, երբ ուզում ես վերացնել պատճառը: Նախքան Բեռլինի դաշնագրի կնքվելը՝ Հայաստանը, թեև հիմա դար ճնշված, ներկայացնում էր հայկական հոծ ազգաբնակչություն, որ կազմում էր բացարձակ մեծամասնություն: Բեռլինի դաշնագրից հետո, որ պետք է երաշխավորեր հայերի կյանքի և ինչքի ապահովությունը, Հայաստանի ազգագրական պատկերն արմատապես փոխվեց բռնությամբ ու կոտորածով:

Բաղդատելով հայոց պատրիարքարանի 1882 և 1912 թվականներին կազմած վիճակագրությունները, գտնում ենք, որ 1882-ին Տաճկաստանում հայերի թիվն է եղել 2600000, որից 1680000-ը վեց վիլայեթներում. մինչ 1912-ին այդ թվերը ընկնում են 1100000-ի և 1018000-ի: Ուստի պարզվում է, որ տաճկահայերի ընդհանուր թիվը պակասում է 500000-ով: Իրականության մեջ, այդ նվազումը հայկական վեց վիլայեթներում եղել է 612000. դա նշանակում է, որ Հայաստանից դուրս տաճկահայերի թիվն ավելացել է 112000-ով: Մա մի ջախջախիչ փաստ է, որ Տաճկաստանում ազգագրական

ՀՐԱՊԱ-
ՐԱԿՈՒՄՆԵՐ



* Տպագրվում է ըստ դարեսկզբին Թիֆլիսում տպագրվող «Աշխատավոր»-ի գրադարան» մատենաշարի հրատարակության («Աշխատավոր»-ի գրադարան, N15, տպ. «Աշխատավոր», Թիֆլիս, 1915):

** Սկիզբը՝ հանդեսի նախորդ համարում (Հայոց ցեղասպանության պատմության և պատրագրության հարցեր, N5, 2002):

հարցն ուրիշ բան չէ, եթե ոչ քաղաքական հարցի սրության աստիճանի հետևանքը. այն փաստը, որ 30 տարվա մեջ (1882-1912) վեց վիլայեթների հետևանքը. այն փաստը, որ 30 տարվա մեջ (1882-1912) վեց վիլայեթների հայերի թիվը, փոխանակ ավելանալու, պակասել է 662000-ով, մինչ՝ Թուրքիայի այլ մասերում հայերի թիվն ավելացել է 162000-ով, բացատրվում է միայն նրանով, որ Տաճկաստանի այլ մասերում ճնշումը նվազ վայրագ է եղել, քան վեց վիլայեթներում: Անդրադառնալով հայերի ամբողջական թվի նվազումին, կարելի՞ է հավատալ, որ այդ նվազումը եղած լինի 500000: Անտարակույս՝ ոչ. հայերի նման բազմածնունդ մի ցեղ այդ 30 տարվա ժամանակամիջոցում պետք է ավելանար առնվազն 500000 նոր ծնունդով: Դրանից հետևում է, որ այդ 30 տարվա միջոցին թուրքերի կողմից կոտորված հայերի թիվն իրականության մեջ եղել է մի միլիոն՝ հաշվելով, որ բռնության հետևանքով գաղթականության թիվը կհասնի 100000-ի:

Այս պատերազմի ընթացքում կորան ավելի քան մի միլիոն հայեր: Ուրեմն, Բեռլինի դաշնագրից ի վեր, որով պետությունները հանդիսավորապես հանձն առան երեշխավորել հայերի ապահովությունը, ավելի քան երկու միլիոն հայեր են սպանված թուրքերի կողմից: Նույն պետություններն այժմ չեն կարող, հեմվելով այնպիսի մի ազգագրության վրա, որի հիմքն է բռնությունը, ժխտել Հայաստանի գուտ հայկական բնույթ ունենալը:

Բայց Թուրքիայում ազգագրական հարցը միայն վերջին քառասուն տարիների ընթացքում չէ, որ եղել է կամայական: Այդ դրությունը տևում է տաճկական կայսրության հիմնադրությունից ի վեր: Թուրքիայի ազգագրական պատկերը, նվաճումից ի վեր, արտացոլել է նրա դարավոր քաղականությունը, որ կայացել է հպատակ ցեղերը ջնջելու մեջ: Երբ թուրքերը նվաճեցին իրենց կայսրությունը, իսկական Փոքր-Ասիան պարունակում էր միայն հունական հոծ ազգաբնակչություն. այսօր նա պարունակում է թուրքական հոծ ազգաբնակչություն՝ ծովեզերքում հունական խառնուրդներով: Ի՞նչ է այդ կերպարանափոխության պատճառը: Պատմությունն ապացուցում է, որ երբ բարբարոս ցեղերը գրավեն մի քաղաքակիրթ երկիր, նրանք կծուվեն քաղաքակրթությանը բարձր հպատակ ազգաբնակչության մեջ, ինչպես ծուվեցին ֆրանկները Գաղղիայում, լոմբարդներն Իտալիայում, բուլղարները Բուլղարիայում: Միայն Տաճկաստանն է կազմում այդ պատմական օրենքի բացառությունը և դա առաջացել է թուրքերի այն քաղաքականությունից, որ կոտորածներից հետո գոհերի կալվածներում քերել ու հաստատել են թուրք ժողովուրդ: Արդարև, Տաճկաստանը միշտ իբր երկրորդ բանակ է գործածել գաղութներ հաստատելու այդ սխտեմը, որ զինվորական նվաճումներն ամրացվել են ազգագրական նվաճումներով. բացի այդ, նա դրանց վրա ավելացրել է և ուրիշ գործակիցներ, ինչպես ենիչե-րիների բանակի, քրդական համիդիեների ստեղծումը և այլն:

Այս նկատառումները ցույց են տալիս, որ Տաճկաստանում ազգությունների սկզբունքը չի կարող հիմնվել ազգագրական պատկերի վրա, որ նույն այդ սկզբունքի աղաղակող բռնաբարումն է: Սակայն պատերազմն է ստանձնել այդ խնդրին իր իսկական ըմբռնումները տալու գործը: Թուրքական կայսրության այսօրվա ազգագրական պատկերը արմատապես տարբեր է չորս տարի առաջվա պատկերից. ժողովուրդները դարձել են թափառաշրջիկների զանգված: Ազգագրական ո՞ր տվյալների վրա պետք է իրագործել ազգությունների սկզբունքը:

Ակներև է, որ միայն մի լուրջ հիմք կա, որը կարող է նկատի առնվել՝ պատմական իրավունքը, իր բոլոր տարրերով: Ճիշտ այնպես, ինչպես բալ-

կանյան ժողովուրդները կարողացան վերստանալ իրենց անկախությունը, քեև իրենց ազատագրման նախօրյակին գտնվում էին ազգագրական տեսակետով նույն դժվարությունների մեջ, ինչ որ ունի հայ ժողովուրդը. Հայաստանն էլ պետք է կարողանա ձեռք բերել իր անկախությունը՝ իրագործելով «Հայաստանը՝ հայերին» սկզբունքը, որ նվիրագործված է 6 դարի մարտիրոսագրությամբ: Հայաստանի ազգագրական կացությունն ավելի դյուրարեկ չէ, քան Բուլղարիայի դրությունը 1876 թվականին: Դա որոշ երևում է... վերջում զետեղված երկու վիճակագրություններից, որոնցից մեկը, կազմված 1876-ին Ռուսչուքի հյուպատոս Մ. Օրարեի կողմից և հրատարակված «Bulletin de la Société géographique» հանդեսի 1876թ. օգոստոսի համալրում, վերաբերում է Բուլղարիային, իսկ մյուսը վերաբերում է Հայաստանին՝ կազմված 1912թ., Հայոց պատրիարքարանի կողմից:

Կարիք կա հիշելու նաև, որ Հայաստանն իր անկախությունը հայտարարած միջոցին ուներ միայն 3-4 հարյուր հազար հույներ:

* * *

Բայց, այս հիմնական փաստարկություններից դուրս, թուրքերի կողմից Հայաստանում ստեղծված ազգագրական կամայական դրության ուշադիր քննությունը ցույց է տալիս, որ այսօր էլ, չնայած դարավոր կոտորածներին, Հայաստանում էական տարրն հանդիսանում է հայ ժողովուրդը:

Եթե քննենք Պոլսի հայոց պատրիարքարանի կազմած վիճակագրությունները, ինչպես և հայկական այլ փաստաթղթերը, կտեսնենք, որ ամբողջ Տաճկաստանում հայ ազգաբնակչության թիվը պատերազմի նախօրյակին եղել է 2 միլիոնից մի քիչ ավելի, որից 1403000-ը բնակվում էին Հայաստանում (տե՛ս N 2 վիճակագրական տախտակը):

Պատերազմի սկզբին ռուսական պաշտոնական վիճակագրությունների համաձայն, ամբողջ Հարավային Կովկասում ապրող հայերի թիվն եղել է 1804600, որից 1296000-ը՝ իսկական Հայաստանում (տե՛ս N 3 ցուցակը):

Եթե դրա վրա ավելացնենք այլ երկրներում հաստատված հայերի թիվը, այն է՝ 823000, կստանանք, որ պատերազմից առաջ հայերի ընդհանուր թիվն եղել է 4470000 (տե՛ս N 4 ցուցակը):

Այս թվի մոտ 2700000-ը ապրելիս են եղել մայր հայրենիքում և ավելի քան մեկ միլիոնը՝ անմիջական շրջակայքում:

Հայաստանում բնակվող թուրքերի թիվն եղել է 1005000:

Թաթարների թիվը՝ 537000:

Թափառաշրջիկ քրդերի և թուրքմենների թիվը՝ 555000:

Բոլոր մահմեդականները միասին կազմում էին 2308000:

Արդ՝

1. Առանձին վերցրած, հայերը Հայաստանում ազգաբնակչության ամբողջության բաղդատմամբ կազմել են հարաբերական մեծամասնություն.

2. Տաճկա-Հայաստանում, առանձին վերցրած, հայերը եղել են մի քիչ պակաս, քան բոլոր մահմեդականները միասին առած.

3. Հայերը զգալիորեն ավելի են եղած ամբողջ մահմեդական բնակչության թվից՝ Տաճկաստանի և Կովկասի հայկական տերրիտորիաները միասին վերցրած.

4. Բոլոր քրիստոնյաների թիվը կազմել է 55 տոկոս, իսկ զանազան դավանությունների թիվը՝ 5 տոկոս:

* * *

Այս պատերազմի հայերից խլած զոհերի թիվը սոսկալի է. այլ ժողովուրդների կորուստները սակավաթիվ դեպքերում են անցնում 10 տոկոսից. մեր զոհերը մի քառորդն են ամբողջ հայության թվի և համարյա կեսը՝ Հաստատանում բնակվող հայերի:

«Այլև չկա Հայկական հարց: Մենք արդեն վճեցինք այդ հարցը», - ասում էր թուրք նախարարը ցինիկ կերպով:

«Անկախ Հայաստան: Այո՛, լավ կլիներ, բայց դժբախտաբար այլևս հայեր չկան», - կրկնում են մեր հակառակորդները կեղծավորությամբ:

Ընդունել այդ փաստարկությունը՝ կնշանակեր բացասել մարդկային ամեն արդարություն, անպատվել այն միլիոնավոր մարդ արարածներին, որոնք զոհաբերվեցին իրավունքի հաղթանակի համար. դա կնշանակեր նվիրագործել մարդասպանների ոճիրներն ու վարձատրել մի ամբողջ ազգ բնաջնջելու թուրքական զարշելի ծրագիրը:

Բայց ճիշտ չէ, բարեբախտաբար, որ հայերը բնաջնջվել են: Չնայած, որ զոհերի թիվը հասնում է մի միլիոնի, չնայած որ վերապրողների մի մասը, փախած կամ տաքազրկված, կորել է սովամահությունից ու համաճարակներից՝ և մնացածներն ուժասպառվել են անվերջ կռիվներից ու տառապանքներից, ազգի մի մասը վերապրել է և ունի միայն մի հույս, միակ կամք՝ վառել մարած օջախը, վերաշինել ավերված տունը, վերսկսել աշխատանքը՝ այս անգամ իրեն համար, իր ազատ ու անկախ հայրենիքում:

Այն երեք ու կես միլիոնից, որ այսօր ներկայացնում ենք մենք, մեկ ու կես միլիոնը գտնվում է հայրենի հողի վրա. վաղն այս թիվը դյուրությամբ կարող է հասնել երկու ու կես միլիոնի: Կովկասում, Ռուսաստանում, Պոլսում, Եվրոպայում, Եգիպտոսում, Ամերիկայում, Բալկաններում և ամեն տեղ անհամբեր սպասում են մայր հայրենիք վերադառնալու ժամին և ամենքը, հույսի սարսուռով համակված, պատրաստվում են վերադարձի:

* * *

Ինչ վերաբերում է մահմեդականներին, նրանց թիվն էլ պակասել է Հայաստանում՝ ավելի մեծ համեմատությամբ, քան կարծվում է առհասարակ:

Նախ՝ այն վիլայեթները, որոնք գտնվում էին ռուս բանակների ներխուժման և գրավման շրջանի մեջ, ինչպես Էրզրումը, Տրապիզոնը, Վանը, Բիթլիսը, այսօր մեծ մասամբ իսկական անապատներ են. մահմեդական ազգաբնակչության մեծ մասը զոհ է գնացել պատերազմին, փախել է կամ մահացել համաճարակներից: 1917թ. վերջում Վանի, Բիթլիսի և Էրզրումի վիլայեթներում կային ընդամենը մոտ 46000 թուրքեր և 50000 քուրդեր:

Երկրորդ. մեր տեթրիտոորիաների այն մասերում, որոնք կազմում էին ռազմաճակատի անմիջական թիկունքը, ինչպես Սվազի, Խարբերդի և Դիարբեքիի վիլայեթները, մահմեդական տարրը, համաձայն գերման սպաների վկայության, մեծ կորուստներ է կրել պարպումի (էվակուացիա), սովի և խուլերայի ու տիֆի համաճարակների հետևանքով: Օրինակ, Դիարբեքիի քաղաքը, որ պատերազմի սկզբին ուներ 55000 բնակչություն, որից 1915-ի աշնանը 22000 հայեր տեղահանվեցին և անմիջապես փոխարինվեցին Բիթլիսի շրջանից զաղթած 30000 մահմեդականներով, 1917 թվականի մայիս ամսում ուներ ընդամենը 6000 բնակիչ:

Երրորդ. Հայաստանում մնացած մահմեդականների մեծ մասը, հենց որ մեր անկախությունը նվիրագործվի, չի ցանկանալու մնալ մեզ մոտ. նրանք կքաշվեն դեպի սահմանամերձ տերրիտորիաները՝ մի թուրք կառավարության իշխանության տակ ապրելու համար, այս երևույթն է առաջացել ամեն անգամ, որ քրիստոնյա ազգերը ազատված են թուրքական տիրապետությունից:

Եվ չորրորդ. հայ և թուրք կառավարությունների միջև համաձայնության գալուց հետո հնարավոր կլինի կատարել ազգաբնակչության կանոնավոր փոխանակություններ: Այդ հարցը կարելի է առաջադրել նույնիսկ Ազգերի Դաշնակցությանն և հավասարակշիռ կերպով իրագործել այդ միջոցը, որովհետև զրանից քարիք կծնվի ամենքի համար էլ, Հայաստանի և Թուրքիայի, ինչպես և համաշխարհային խաղաղության համար:

Կարճ ասած, Հայաստանի սահմաններում հազիվ կեսն է մնում պատերազմից առաջ այնտեղ ապրող մահմեդական բնակչությունից, այսինքն՝ միլիոնից պակաս, քաղկացած հավանորեն կես միլիոն թուրքերից, չերքեզներից և նման տարրերից, 300000 քաթարներից և 200000 քուրդերից:

Այսպես որ կարելի է հետևյալ մոտավոր ցուցատախտակը տալ զաղափար կազմել տալու համար, թե ինչ ազգաբնակչություն կունենա Հայաստանն իր գոյության առաջին տարիներում:

Քրիստոնյաներ՝ 3000000, որից հայեր 2500000 հույներ, նեստորականներ, ռուսներ, վրացիներ և եվրոպացիներ 500000: Մահմեդականներ՝ 1000000, որից թուրքեր, չերքեզներ, արաբներ և պարսիկներ 500000, քաթարներ 300000, քուրդեր 200000, այլ կրոններ՝ 300000, ղըզլաշներ, եզիդիներ, զազաներ և ֆելլախներ 300000:

Ընդամենը՝ 4300000:

* * *

Ասացինք, որ մի ժողովուրդի կարևորությունը չափվում է ոչ միայն իր թվով, այլև, մանավանդ, իր տնտեսական ընդունակություններով և իր կուլտուրական մակարդակով:

Ամենահին պատմությունները մատնանշել են արժանիքը հայերի, որոնք իրենց նախաձեռնող ոգով, իրենց հանդգնությամբ և մեծ ծավալով ձեռնարկներով փորձել են, ամենահին դարերից սկսած, զարգացնել վաճառականությունն ու արդյունաբերությունը ամբողջ առաջավոր Ասիայում, և դրանով իսկ, փյունիկեցիների ու հույների հետ, եղել են Արևելքում քաղաքակրթության ռահվիրաները:

Հայերը շարունակել են այդ դերը խաղալ ամբողջ Միջագետքում, ինչպես և նորագույն ժամանակներում: Մենք կտանք միայն մի գերման դիտողի, համագերմանականության առաքյալ Պաուլ Ռորբախի վկայությունը, որը կարող է կողմնապահ համարվել միայն թուրքերի օգտին:

«Այսօրվա Տաճկաստանում, որ սեղմված է համարյա իր ասիական կալվածներում, հայերը շատ ավելի մեծ նշանակություն ունեն, քան ենթադրել է տալիս նրանց թիվը միայն. ոչ մի կասկած չկա, որ նրանք թե՛ իմացական և թե՛ նյութական տեսակետով ամենագործունյա տարրն են արևելյան քոլոր ժողովուրդների միջև: Կարելի է ասել մինչև անգամ, թե նրանք այդ միջավայրում միակ ժողովուրդն են, որ ունի ազգային բնածին հատկություններ: Հայն օժտված է այնպիսի էներգիայով ու տոկունությամբ,

որոնք հակասություն են կազմում այն ամենի հետ, որը սովոր ենք նկատել որպես արևելյան նկարագիր»:

Տաճկական Հայաստանում հայ տարրի տնտեսական գործունեության մասին զաղափար տալու համար՝ ներկայացնում ենք վեց վիլայեթների միջև ամենից քիչ չափով հայկական նկարագիր ունեցող Մըվազի վիլայեթի առևտրական ու արդյունաբերական վիճակագրությունը:

Եվ սակայն, կտեսնենք, որ այդտեղ ամբողջ առևտրական ու արդյունաբերական գործունեությունը զտնվում է համարյա բացառապես հայերի ձեռքին:

Վաճառականություն՝ ներմուծում. 166 մեծաքանակ վաճառականներից 141-ը հայեր են, 13-ը թուրքեր, 12-ը հույներ:

Արտահանություն. 150 վաճառականներից 127-ը հայեր, 23-ը թուրքեր:

37 բանկիրներից կան կապիտալիստներից 32-ը հայեր են և միայն 5-ը թուրքեր:

9800 խանութպաններից ու արհեստավորներից 6800-ը հայեր են, միայն 2555-ը թուրքեր և 150-ը զանազան ազգությունների անհատներ:

Արդյունաբերություն. 153 գործարաններից 130-ը պատկանում են հայերին. բոլոր գործարանների տեխնիկական պերսոնալը բաղկացած է բացառապես հայերից: Բանվորների թիվն է 17700, որոնց մոտ 14000-ը հայ:

Կրավե հիշել, որ պատերազմից առաջ երկու միլիոն հայերի ձեռքին էր մեծագույն մասը՝ ավելի քան 20 միլիոն ազգաբնակչություն ունեցող Օսմանյան կայսրության առևտրի: Բայց առևտուրն երբեք չի եղել հայ ժողովրդի գլխավոր պարապմունքը. ազգի ահագին մեծամասնությունը (85-90 տոկոս) միշտ էլ նվիրվել է երկրագործության ու մանր արհեստի՝ թե՛ թուրքիայում, թե՛ Կովկասում և թե՛ Պարսկաստանում. հայերն ամեն բանից առաջ հողագործներ ու արհեստավորներ են:

«Վանի վիլայեթում, - ասում է Ռորբախը, - հայերի ձեռքին է վաճառականության 98 տոկոսը, երկրագործության 80 տոկոսը: Ոսկերիչները, փորագրիչները, կահկարասի շինողները, դերձակները, կոշկակարները, ճարտարապետները, ատաղձագործները, որմնադիրները հայեր են: Ազատ պրոֆեսիաների հետևողները՝ բժիշկներ, իրավաբաններ, դեղագործներ, մույնպես հայեր են: Նույնն է և մյուս ասպարեզներում:

«Հայ տարրի գործունեությունն երևում է նաև ժողովրդական կրթության և դպրոցական կազմակերպության ասպարեզում: Հայկական դպրոցներն ավելի քազմաթիվ և ավելի լավ են, քան Տաճկաստանում որևէ այլ ազգության դպրոցները. և, ինչ որ առանձնապես պետք է զննատվի, նրանք շինված են միայն կամավոր նվիրատվություններով՝ ոչ միայն հարուստ հայերի, այլ և համեստ միջոցների տեր անհատների և չքավոր համայնքների: Դեռ 1903թ. Տաճկաստանում հաշվվում էին 818 հայկական դպրոցներ՝ ավելի քան 82000 երկսեռ աշակերտությամբ: Այդ դպրոցներն ենթարկված են Պոլսի պատրիարքարանին: Այդ դպրոցների վրա պիտի ավելացնել և բողոքական ու կաթոլիկ հայերի, ինչպես և մասնավոր անհատների դպրոցները: Միայն Տաճկա-Հայաստանում, այսինքն վեց վիլայեթներում և Կիլիկիայում գտնվում են վերոհիշյալ 818 դպրոցներից 585-ը՝ 52000 աշակերտներով. ընդհանրապես, մույն շրջանում կան միայն 150 տաճկական դպրոցներ՝ մոտ 17000 աշակերտներով»:

Իրերի այդ դրության և հայերի ընդհանուր իմացական գործունեության և, մանավանդ, աշխատանքում ցույց տված հարատևության հե-

տևանքն է այն, որ տաճկական վարչության մեջ հայերի քիվը համեմատաբար մեծ է: Այդ պաշտոնյաներն այնքան շատ են, և նրանց բաժին ընկնող աշխատանքն այնքան մեծ է, որ առանց հայերի, պետական մեքենան բացարձակապես կանգ կառներ:

Դպրոցների և աշակերտների, ինչպես և ուսուցիչների համեմատականությունն է՝ ավելի մեծ է Հայաստանի ռուսական մասում: Ռուսական, եվրոպական և ամերիկյան համալսարաններում հայ ուսանողների քիվը 15000-ից անց է:

Հայերն աչքի են ընկել ինչպես Տաճկաստանում, նույնպես Ռուսաստանում ու Պարսկաստանում, իրենց վարչական, դիվանագիտական ու զինվորական հատկություններով: Նրանք բազմաթիվ գեներալներ են տվել ռուսական բանակին, մեծ վարչապետներ՝ Տաճկաստանին, Հունգարիային և բազմաթիվ դիվանագետներ՝ Թուրքիային, Պարսկաստանին ու այլ երկրներին:

Հայերն աչքի են ընկել, մանավանդ, վերջին հիսուն տարվա ընթացքում իմացական գործունեության բոլոր ճյուղերում՝ զրականության, գիտության, գեղարվեստի մեջ և այլն:

Վերջապես ժամանակն է, որ հայերն առիթ ունենան իրենց ընդունակություններն ի սպաս դնելու իրենց երկրին:

Հայ ժողովուրդն էապես դեմոկրատիկ է. նա հնուց ի վեր իր եիմնարկությունները կառավարել է ընտրովի կազմերով: Բացառություն չի կազմում և կրոնական հիերարխիան (մվիրապետությունը), և եկեղեցու գերագույն պետն իսկ ընտրվում է ամբողջ ազգի կողմից:

Մեր հայրենիքը միշտ եղել է երկու աշխարհների, երկու քաղաքակրթությունների՝ արևելյան ու արևմտյան, բաժանման կետը: Դիշտ այդ պատճառով է, որ Արևելքի ու Արևմուտքի մեծ ընդհարումները կատարվել են նրա լեռներում կամ նրանց շուրջը, և այդ պատճառով է նաև, որ Արևելքի ու Արևմուտքի մեծ պետություններն այնքան կարևոր են համարել տիրելու այդ շրջաններին: Նրանք իրարից են խլել այդ շրջանները, որոնք ձեռքից ձեռք են անցել՝ անհամար պատերազմներից հետո. նրանք միշտ ոտնակոխ են եղել, ավերվել, և միշտ էլ բնիկ հայ ժողովուրդն է, որ շինել է ու վերաշինել, կառուցել է և վերակառուցել, և որ չի թուլատրել, որ որևէ մեծ պետություն մշտապես հաստատվի այդտեղ:

Հայաստանի ամբողջ պատմությունը մի անընդհատ, համառ ու անհավասար պայքար է՝ պաշտպանելու համար իր անհատականությունը, մշակույթն ու կրոնը այն հզոր թշնամի պետությունների դեմ, որոնք հարձակվում էին նրա վրա ամեն կողմից: Նա տառապել է ամբողջ դարեր՝ պահպանելու համար իր քրիստոնեական հավատը մահմեդական մվաճողների դեմ: Նա թոպեապես կասեցրել է ներխուժումները Կենտրոնական Ասիայի բոլոր հորդաների, որոնք հեղեղանման հոսում էին դեպի Եվրոպա և, վերջ ի վերջո, խեղդեցին բյուզանդյան կայսրությունը:

Դարեր շարունակ՝ նա հաջորդաբար հաջողել է կամ կանգուն մնալ ու թագավորություններ կազմել, կամ մվաճողների լծի տակ ընկնելուց հետո վերականգնել ու վերստանալ իր անկախությունը, մերթ իր հայրենիքի այս մասում, մերթ այն մասում, նայած հանգամանքների բերումին: Բայց իր ազգային թագավորների իշխանության տակ, ինչպես և օտարի լծի տակ, այդ լեռների հարազատ տերը, աշխատողը, արտադրողը միշտ էլ եղել է հայը, որ հայրենի հողը ոռոգել է իր արյունով ու քրտինքով, և որի համառ

տոկունությունը, հակառակ բոլոր խոչընդոտներին, հիմնել է մի հարազատ քաղաքակրթություն, որ արգասիքն է արևմտյան ու արևելյան երկու քաղաքակրթությունների խառնուրդի:

Ամբողջ Հայկական Բարձրավանդակը, Ադանայից ու Սիսից մինչև Վան ու Երևան, ծածկված է քաղաքների, քերդերի, եկեղեցիների, վանքերի, կամուրջների, հիշատակարանների ավերակներով, որոնք վկա են նրա քաղաքակրթիչ անդադրում աշխատանքին: Պատմական, փիլիսոփայական ու քանաստեղծական մի մեծարժեք գրականություն, սկսած 4-րդ դարից, մի հարուստ ու ճկուն լեզու և ազգային բնույթ կրող մի եկեղեցի՝ ահա թե ինչ ժառանգություն է թողել մեզ այդ անխոնջ իմացական աշխատանքը:

Հայ ժողովրդի դժբախտությունն այն է, որ տաճկական բռնապետության հետևանքով՝ վերջին քառորդ դարի ընթացքում Արևուտքի քաղաքակիրթ ժողովուրդները նրա մեջ տեսնում են միայն մի հալածված քրիստոնյա ժողովուրդ, որ կարեկցություն է ներշնչում և օգնության է կարոտ: Ոչ թե կարեկցություն, այլ հարգանք է պահանջվում դեպի մի ժողովուրդ, որ սիրահար է աշխատանքի, ազատության, որ այնքա՞ն տառապել է և որ այնպես լավ է դիմադրել: Դժբախտաբար, հայոց պատմությունը շատ քիչ է ծանոթ Արևմուտքում, ուր անգիտանում են, թե հայերն ի՞նչ դեր են կատարել թե՛ իրենց սեփական և թե՛ իրենց ընկճող ժողովուրդների պատմության մեջ: Ավելի քիչ են ծանոթ հայերի գրական ու գեղարվեստական գործերը, որոնք սակայն ցուցահանում են մեր հոգու լավագույն արտահայտությունները, և որոնց հայ ժողովուրդը կարող է հպարտորեն դնել այլ քաղաքակիրթ ազգերի երկերի կողքին:

Այն ժողովուրդը, որ 30 դարերից ի վեր, ավելի առաջ քան Քսենոֆոնը խոսել է նրանց մասին, մինչև այսօր ապրել է այդ բարձրավանդակներում, հայ ժողովուրդն է. այն ժողովուրդը, որ կատարել է պատմության ու աշխարհագրության իրեն հատկացրած դերը, որ իր տարեգրություններում պաշել է այն, ինչ արել է և հաստատել է իր իրավունքն այդ տերրիտորիաների վրա, որ յուրաքանչյուր ավերումից հետո շինել է ու վերաշինել, որ խորհել է ու արտադրել՝ դա նույն հայ ժողովուրդն է: Բոլոր մյուս տարրերն եղել են կամ բուրդովին երկրորդական, իրենց թվով ու կարևորությամբ, և կամ պատկանում են կես բարբարոս ցեղերի, որոնք ո՛չ գեղարվեստ ունեն, ո՛չ գրականություն, ո՛չ պատմություն և որոնք իրենց գոյության ընթացքում ոչինչ չեն արել քաղաքակրթության համար: Ինչ վերաբերում է թուրք աշխարհակալներին, որոնք սնվել են մեր արյունով, մեր ուղեղով ու մեր քրտինքով, առանց ինքներն ոչինչ ստեղծելու, ուրիշ բան չեն, եթե ոչ շարունակողներն այն հորդանների, որոնք ասորեստանցիների օրերից ի վեր գրավել են ու ավերել մեր երկրները և որոնք ապա անհետացել են պատմության բեմից՝ Հայկական Բարձրավանդակը թողնելով իր բնիկ տիրոջը՝ հայ ժողովուրդին:

ԿՈՎԿԱՍԻ ՀԱՅԿԱԿԱՆ ՀԱՆՐԱՊԵՏՈՒԹՅՈՒՆԸ

Մեր հայրենիքի հյուսիսային գավառները, որոնք ընդհանուր առմամբ կազմում են Արաքս գետի ավազանը և որոնց ռուս կառավարությունը 19-րդ դարի ընթացքում կտոր առ կտոր խլեց պարսիկներից ու թուրքերից, նույնպես էական ու անբաժան մասն են կազմում Հայկական Բարձրավանդակի. Արարատը, Գուգարքը, Արցախն ու Սյունիքը, հայտնի հին դա-

րերից ի վեր, կազմում են Հայաստանի գլխավոր գավառները: Այդտեղ է, որ գտնվում էին մեր մայրաքաղաքներն և մեր այլ նշանավոր քաղաքներից մեծ մասը, ինչպես Արտաշատը, Վաղարշապատը, Երվանդակերտը, Դվինը, Նախիջևանը, Ղարսն ու Անին:

Միջին դարում այդտեղ էր գտնվում մեր Բագրատունյաց թագավորությունը, որի մայրաքաղաք Անին իր դեռ կանգուն ավերակներով լավագույն վկան է հայկական արդյունաբերության, քաղաքակրթության ու արվեստի հասած քարձր աստիճանի: Լոռվա իշխանությունը տևեց մինչև 15-րդ դարի սկիզբը: Ղարաբաղում հայկական հնավուրց անկախությունը շարունակվեց մինչև ռուսների գալուստը, ռուսների Կովկաս մտնելու գլխավոր ներշնչողներն եղել են Խամսայի մելիքները (իշխանները): Որանք հույս ունեին, որ քրիստոնյա ռուսների օգնությամբ՝ հայերը կազատվեն մահմեդական լծից և հավատում էին ռուսաց թագավորների խոսքերին, որոնք նրանց խոստանում էին վերականգնել հայկական անկախ իշխանությունը գրավված հողերի վրա: Մինչև այսօր էլ այնտեղ, Էջմիածնում է գտնվում կաթողիկոսի, բոլոր հայերի հոգևոր պետի աթոռը, հիմնված 3-րդ դարում, Հայաստանի քրիստոնեությունն ընդունելուց անմիջապես հետո: Այդ գավառների ազգաբնակչության ամենակարևոր տարրը, թվով ու գրաված դիրքով, հայն է (տես N 3 ցուցակը):

Քանի որ պատերազմի ու հաշտության նպատակներից մեկն այն է, որ ճնշված ժողովուրդներին իրավունք է տրվում անձամբ վճռելու իրենց սեփական ճակատագիրը, և որ այդ սկզբունքն ընդունված է իրար հաջորդող ռուսական զանազան կառավարությունների կողմից, քանի որ Թուրքիայի տապալումով Հայաստանի մեծագույն մասն ազատված է, այլևս անհնար է Ռուսաստանին թողնել Հայաստանի մի կարևոր մասը՝ այն միակ պատճառով, որ այդ գավառները մի քանի տասնյակ տարիներից ի վեր գտնվում էին ռուսների տիրապետության տակ: մանավանդ որ, 1917 թվականի վերջից ի վեր ամբողջ Կովկասը գործնականապես ու իրապես բաժանված է եղել Ռուսաստանից՝ կազմելով Կովկասյան հանրապետություն: Վերջինս քիչ հետո բաժանվել է երեք մասերի՝ ազգությունների իրավունքի հիման վրա: 1918թ. մայիսին հայոց ազգային ժողովը Ռուսաստանի երկու միլիոն հայության անուումով հայտարարեց, որ ռուսական Հայաստանը դառնում է անկախ հանրապետություն՝ մայրաքաղաք ունենալով Երևանը: Այնտեղ կազմվեց մի կանոնավոր կառավարություն, ինչպես և մի քանակ, որ ճգնել է ամեն կերպ կասեցնել թուրքական բանակի առաջխաղացությունը դեպի Ղարս՝ ռուսական բանակների քայքայումից հետո, որոնք ցրվել էին՝ հայերին բոլորովին մենակ թողնելով իրենց դարավոր թշնամիների դեմ:

Իրենց ճակատագրին թողնելով հայերին, չնայած սրանց բոլոր թախանձանքներին, միայն նրանց ժառանգություն թողնելով մի պատերազմ, որը վարելը վեր էր հայերի ուժից, Բրեստ-Լիտովսկի պայմանագրով (և առանց նույնիսկ մեզ հետ խորհրդակցելու) Թուրքիային հանձնելով Կովկասի հայկական Ղարս, Արդահան ու Կադզվան գավառները, և այդ կերպով պատճառ դառնալով հարյուր հազարավոր հայերի քայքայումին, Ռուսաստանն իր արարքներով իսկ ընդմիջտ խզեց իր և Հայաստանի միջև կապերը: Մնաց որ, միացյալ Լեհաստանի ստեղծումից, ռումանացիների կողմից Բեսարաբիայի զրավումից, Ֆինլանդիայի կատարյալ անկախությունից, Ուկրաինական և այլ պետությունների կազմությունից հետո՝ ռուսա-

կան կայսրության ամբողջականության փաստարկությունը չի կարող մեջբերվել:

Ուստի արդարության քացասումը կլինեք տաճկական Հայաստանի հին տերրիտորիաները բաժանել Ռուսաստանի տերրիտորիաներից՝ ինչ պատրվակով և ինչ ձևերով էլ որ լինի. դա կնշանակեք, այսպես ասենք, կտրատել մի կենդանի մարմին և ստեղծել մի մնայուն պատճառ նոր հալածանքների, նոր ճնշումների և նոր արյունհեղությունների:

Կովկասահայերից շատերը, նրանք կամ նրանց հայրերը, եղել են սուլթանի հպատակներ՝ մինչև 1894-1896 թվականների կոտորածները. այդ ժամանակաշրջանում նրանք փախել են դեպի ռուսական տերրիտորիան: Մյուս կողմից, կովկասահայերն այնքան տուժած չլինելով վերջին կոտորածներից, որքան Թուրքիայի իրենց եղբայրները, կկարողանան Հայաստանին հայթայթել սկզբնական շրջանում պակասելիք տարրերը՝ ստեղծելու համար վարչությունը և ազդակ դառնալու տնտեսական քարգավաճման: Տաճկաստանի եղբայրակիցներից նրանց բաժանելը կլինեք փտելու դատապարտել նրանց ու ավելի ծանրացնել այն պետության գործը, որ պիտի ունենա Հայաստանի վերակառուցմանն օգնելու ժամանակավոր արաքելությունը: Պետություններն ինչպե՞ս կարող են ընդդիմանալ մի իրողության, որ արդեն կատարված է և կատարելապես համաձայն է այն սկզբունքներին, որոնց հիման վրա է կնքելու հաշտության դաշնագիրը:

Ռուսահայերը վերջին դարու ամբողջ կեսին իրենց ֆիզիկական ու քարոյական ուժերի լավագույնը գոհաբերել են Տաճկա-Հայաստանի դատին, որովհետև հասկանում էին, որ իրենց ազատագրման ճանապարհն անցնում էր Տաճկաստանի միջով: Ամբողջ սերունդներ ապրել են Տաճկա-Հայաստանն ազատելու երազով: Եվ ճիշտ այդ պատճառով է, որ ռուսահայերը, պատերազմը հայտարարվելուն պես, խանդավառորեն մտան ռուսական, ֆրանսիական ու անգլիական դրոշմների տակ և միանալով տաճկահայերին՝ կազմեցին կամավորական քանակներ, այդ կերպով ապացուցելով, որ օտար պետությունների գծած արհեստական սահմանն անգոր է անջատելու այդ անբաժան ամբողջությունը, որ կապված է ընդհանուր արյունով, ոգով, լեզվով, անցյալով, ներկայով, ապագայով և այնքան շահեքով:

Հանուն արդարության, հանուն մեր դարավոր իրավունքի, հանուն Ռուսաստանի և Տաճկաստանի երկու հայ համայնքների անդիմադրելի տենչերի, հանուն այն պատմական անընկճելի անհրաժեշտության, որ վաղ թե ուշ պետք է հաղթանակի, մենք պահանջում ենք նույն ազգի երկու հատվածների քացարձակ ու վերջնական միացումը:

ՀԱՎԵԼՎԱԾ

N1

ՎԵՑ ՎԻԼԱՅԵԹՆԵՐԻ ԱԶԳԱՐՆԱԿՈՒԹՅԱՆ ՑՈՒՑԱԿԸ 1912 ԹՎԱԿԱՆԻՆ
(Հեքքիարիից, Սղերդից, Դիարքեքիից, Մալաթիայից հարավ և Սըվազից
արևմուտք ու հյուսիս-արևմուտք շրջանները չեն մտնում այս ցուցակի մեջ)

	Էրզրում	Վան	Բիթլիս	Նարբեք	Դիարքեքի	Սըվազ	Ընդամենը	Ըստ կրոնի
Մահմեդականները								
Թուրքեր	240000	47000	40000	102000	45000	192000	666000	1178000
Չերքեզներ	7000	-	10000	-	-	45000	62000	
Պարսիկներ	13000	-	-	-	-	-	13000	
Լազեր	10000	-	-	-	-	-	10000	
Գնչուներ	-	3000	-	-	-	-	3000	
Նստակյաց քրդեր	35000	32000	35000	75000	30000	35000	242000	
Թափառական քրդեր	40000	40000	42000	30000	25000	15000	182000	
Քրիստոնյաներ								
Հայեր	215000	185000	180000	168000	105000	165000	1018000	1183000
Նեստորականներ	-	-	-	-	-	-	-	
Հակոբյաններ	-	18000	15000	5000	60000	25000	123000	
Քաղղեացիներ	-	-	-	-	-	-	-	
Հույներ	12000	-	-	-	-	30000	42000	
Չանագան կրոններ								
Ջըզլըբաշներ	25000	-	8000	80000	27000	-	140000	254000
Չանագաներ	30000	-	47000	-	-	-	77000	
Չարըքլիներ եզդիլիներ	3000	25000	5000	-	4000	-	37000	
	630000	350000	382000	450000	296000	507000	2 միլ. 900 մար	26150000

N 2 վիճակագրական տախտակ
ՑՈՒՑ ՎԻԼԱՅԵԹՆԵՐԻ ԵՎ ԿԻԼԻԿԻԱՅԻ ԱԶԳԱՐՆԱԿՈՒԹՅՈՒՆԸ
1914 ԹՎԱԿԱՆԻՆ

	7 ՎԻԼԱՅԵԹՆԵՐԸ Տիգրիսից հարավ և Եջի Ըրմակից արև- մուտք շրջաններն առանց հաշվելու	ԿԻԼԻԿԻԱՆ Մաքաշի, Նո- զանի և Ջերեզ Բերքեքի սանջակները	Գումար	
Հայեր	1198000	205000	1403000	1850000 քրիստո- նյաններ
Հույներ	242000	40000	282000	
Նեստորական, հակոբյան, քաղղեացի և եվրոպացիներ	124000	41000	165000	
Թուրքեր	865000	78000	943000	1635000 մահմեդա- կաններ
Քրդեր	424000	58000	482000	
Լազեր, չերքեզներ, արաբներ, պարսիկներ	190000	20000	210000	

	7 ՎԻՄՅԵԹՆԵՐԸ Տիգրիսից հարավ և Եշիլ Ըրմակից արև- մուտք շրջաններն առանց հաշվելու	ԿԻԼԻԿԻԱՆ Մարաշի, Նո- գանի և Ջեբել Քեռեքեքի սանջակները	Գումար	
Ղզղուբաշներ, եզիսիներ, ֆելլահներ և այլն	255000	48000	303000	309000 զամազան կրոններ
	3298000	490000	3788000	

ՏԱՃԿԱՍՏԱՆՈՒՄ ՀԱՅԵՐԻ ԹԻՎԸ 1914 ԹՎԱԿԱՆԻՆ

Տանկա-Հալապտան		1403000
Ասիական Թուրքիայի այլ մասերում		440000
Պոլսում և Եվրոպական Թուրքիայում		183000
	Ընդամենը	2026000 հայեր

N 3 ցուցակ

ՈՒՍՏԱ-ՀԱՅԱՍՏԱՆԻ ԲՆԱԿՉՈՒԹՅՈՒՆԸ 1914թ.

	Երևան	Գանձակ	Ղարս	Թիֆլիս	Ընդամենը	
	Ամբողջ մա- հանգը	Արևմտ. կեսը	Բացի Ար- դահանից	Սիայն հարավ- արևմտ.	Ընդամենը	
Հատիկ	669000	376000	98000	153000	1296000	
Ռուսներ, կրացիներ և այլն.	16000	9000	28000	12000	65000	1361000
Թուրքեր	8000	3000	50000	—	61000	
Թաթարներ	365000	138000	12000	22000	537000	673000
Քրդեր	34000	—	41000	—	75000	
Եզիսիներ	17000	—	21000	—	38000	38000
	1109000	526000	250000	187000	2072000	

ՀԱՐԱՎԱՅԻՆ ԿՈՎՎԱՄԻ ՀԱՅ ԱԶԳԱԲՆԱԿՈՒԹՅՈՒՆԸ

Երևանի մահանգում	669871
Գանձակի մահանգում	418859
Ղարսի շրջանում	118217
Թիֆլիսի մահանգում	411747
Բազկի մահանգում	120057
Սուխումի շրջանում	20743
Սևծովյան մահանգում	18061
Բաքումի շրջանում	15182
Դադստանի շրջանում	4752
Քութայիսի մահանգում	4643
Ջաբաթալայի շրջանում	2530
Գումար	1804662 հայեր

N4 ցուցակ
ԱՄԲՈՂԱԶ ՀԱՅԱՍՏԱՆԻ ԱԶԳԱՐԱԿՈՒԹՅՈՒՆԸ 1914Թ.

	Տաճկա- Հայաստան	Կովկասյան Հայաստան	Ընդամենը	
Հայեր	1403000	1256000	2699000	3211000 Քրիստոնյաներ
Հույներ, ժուաներ, մեստո- րակամներ և այլն	447000	65000	512000	
Քրդեր	943000	61000	1005000	2308000 Մահմեդա- կամներ
Թաթարներ	-	537000	537000	
Քրդեր և քուրքաններ	482000	75000	556000	
Լազեր, չերքեզներ, արաբներ և այլն	210000	-	210000	341000 Զանազան դավանություն
Զրգրաշնչներ, գաղաներ, եզիդիներ և այլն	303000	38000	341000	
	3788000	2072000	5860000	

N 4 ցուցակ
ԱՄԲՈՂԱԶ ՀԱՅ ԱԶԳԱՐԱԿՈՒԹՅՈՒՆԸ 1914Թ.

Հայաստանում՝		
Տաճկահայաստան	14030000	2699000
Կովկասյան Հայաստան	1296000	
Հայաստանին սահմանակից շրջաններում՝		
Ասիական Թուրքիայի այլ շրջաններ	440000	1088000
Կովկասի այլ շրջաններ	508000	
Պարսկաստանում	140000	
Ավելի հեռու շրջաններ՝		
Պոլսում և Եվրոպական Թուրքիայում,	183000	683000
Ռուսաստանում և Հյուսիս. Կովկասում	250000	
Եվրոպայում, Եգիպտոսում և	120000	
Հնդկաստանում	130000	
Ամերիկայում		
Ընդհանուր գումարը		4470000

N 5 քաղղատական ցուցակ
ԲՈՒԼՎԱՐԻԱՅԻ ԵՎ ՀԱՅԱՍՏԱՆԻ ԶՐԻՍՏՈՆՅԱ ՈՒ ՄԱՀՄԵԴԱԿԱՆ
ԱԶԳԱՔԱՆԿՈՒԹՅՈՒՆՆԵՐԻ՝ ՆՐԱՆՑ ԱԶԱՏԱԳՐՄԱՆ ՆԱԽՕՐՅԱԿԻՆ

Բուլղարիայի ազգանկանությունը 1816թ., մայիսյան տաճկական լծից ազատվելու		Հայկական վեց մահամզների բնակչությունը 1914 թվականին	
Զուգընթացներ	1130000	Հայեր	1018000
Հույներ	12000	Հույներ	42000
Հայեր	25000	Նեստորականներ	23000
Հայախնեո և այլմ	65000	Ջրվրաշներ	140000
Զրիստոնյանների ընդհ. թիվ	1209500	Ջազաներ և այլք	77000
Հույներ	12000	Խոհոհմեո	37000
Հռեաներ	12000	Գուժար	1437000
Զնդհանուր գումար	1233500	Թուրքեր	666000
Թուրքներ	774000	Բրդեր	424000
Հնուց գաղթ. քաթարներ	110000	Այլ մահմեդականներ	88000
Շերքեզներ	200000	Ընդամենը	1178000
Մահմեդականների գումար	1119000		
Զնդհանուր գումար	2352500	Ընդհանուր գումար	2615000